

**ქალაქ თბილისის მუნიციპალიტეტის საკრებულოს ქონების მართვის და საფინანსო  
საბიუჯეტო კომისიის სხდომის  
ოქმი №45**

23 ივნისი 2023 წ.  
12:00 სთ

ქ. თბილისი. თავისუფლების მოედანი №2

ქონების მართვის და საფინანსო საბიუჯეტო კომისიის წევრებიდან სხდომას ესწრებოდნენ:

**კომისიის თავმჯდომარე- ირაკლი ხელაძე**

კომისიის წევრები- ლევან არველაძე, არჩილ გორდულაძე, ანა გოგოლაძე, საბა ბუაძე, აკაკი ალადაშვილი, ნინო წულაძე.

**მოწვეული სტუმრები:**

საფინანსო საქალაქო სამსახურის უფროსი - გაიოზ თალაკვაძე

საფინანსო საქალაქო სამსახურის უფროსის მოადგილე- ლევან მიქავა

**სხდომას თავმჯდომარეობდა ირაკლი ხელაძე.**

**კომისიის სხდომა უფლებამოსილია.**

სხდომის თავმჯდომარე მიესალმა დამსწრე საზოგადოებას და **წარუდგინა დღის წესრიგი.**

1. ქალაქ თბილისის მუნიციპალიტეტის 2023 წლის ბიუჯეტით გათვალისწინებული პროგრამის/ქვეპროგრამის ფარგლებში ასიგნებების კვარტალური გადანაწილების შესახებ.

**საკრ.№15-032317264-03 21/06/23(11-01231721767**

**დღის წესრიგი დამტკიცდა.**

კვარტალური ცვლილებები კომისიის წევრებს წარუდგინა გაიოზ თალაკვაძემ.

წარმოდგენილია რაიონული გამგეობების და საქალაქო სამსახურების მიერ მოთხოვნილი კვარტალური ცვლილებები.

კერძოდ: ინფრასტრუქტურის საქალაქო სამსახურის მოთხოვნით, ქალაქის მასშტაბით გზების მიმდინარე შეკეთებისათვის პროგრამის „გზების მშენებლობა და აღდგენა“ (პროგ/კოდი 01 01 01) მეორე კვარტალს ემატება 500 000 ლარი, გარე განათების ქსელის მოვლა-პატრონობისათვის პროგრამის „გარე განათების ქსელის ექსპლუატაცია და რეაბილიტაცია“ (პროგ/კოდი 02 05) მეორე კვარტალს ემატება 507 315 ლარი, ხოლო სანიაღვრე ქსელების მოვლა-პატრონობისათვის , პროგრამის „ სანიაღვრე ქსელის მოვლა-პატრონობა“ (პროგ/კოდი 02 06) მეორე კვარტალს ემატება 54 990 ლარი.

ჯანდაცვისა და სოციალური მომსახურების საქალაქო სამსახურის წერილობითი მოთხოვნით, დაგეგმილთან შედარებით მეტი რაოდენობის ბენეფიციარების დაფიქსირებიდან გამომდინარე იზრდება პროგრამის „ დაავადებათა სკრინინგი“ (პროგ/კოდი 06 01 02) მეორე კვარტლის გეგმა იზრდება 125 000 ლარით, პროგრამის „აუტიზმის სპექტრის დარღვევის მქონე ბავშვთა რეაბილიტაციის „ (პროგ/კოდი 06 01 06) მეორე კვარტლის გეგმა იზრდება 260 000 ლარით. იზრდება ასევე პროგრამის „100 წელს მიღწეულ მოქალაქეთა ერთჯერადი დახმარება“ (პროგ/კოდი 06 02 05) მეორე კვარტლის გეგმა 2000 ლარით.

თბილისის მუნიციპალიტეტში მიწების რეგისტრაციისათვის საჯარო რეესტრის მომსახურების ასანაზღაურებლად, სსიპ ქონების მართვის სააგენტოს მეორე კვარტლის გეგმა იზრდება 4 000 000 ლარით.

შესრულებული სამუსაოების მიღებაბარების აქტებიდან გამომდინარე ნაძალადევის რაიონის „კეთილმოწყობის ღონისძიებების“ პროგრამის (პროგ/კოდი 02 09 11) მეორე კვარტლის გეგმა იზრდება 100 000 ლარით, რაც გადმოაქვთ „რაიონის გზების მოვლა-შეკეთების“ პროგრამიდან.

საერთო ჯამში გადასახდელების მეორე კვარტლის გეგმა იზრდება 4 508 285 ლარით, მესამე და მეოთხე კვარტლების შემცირების ხარჯზე.

**მომხრე- 6 თავი შეიკავა- ნინო წულაძემ.**


ქალაქ თბილისის მუნიციპალიტეტის მერიის საფინანსო საქალაქო სამსახურის წერილებით წარმოდგენილი, „ქალაქ თბილისის მუნიციპალიტეტის 2023 წლის დამტკიცებული ბიუჯეტით გათვალისწინებული პროგრამა/ქვეპროგრამების ფარგლებში ასიგნებების კვარტალური გადანაწილების შესახებ“, სადაც ქალაქ თბილისის მუნიციპალიტეტის მერიის რაიონული გამგეობები, ინფრასტრუქტურის განვითარების და ჯანდაცვის და სოციალური მომსახურების საქალაქო სამსახური, ასევე სსიპ ქონების მართვის სააგენტო ითხოვს მათზე მიკუთვნებულ პროგრამა/ქვეპროგრამებში ასიგნებების ცვლილებას, **ქონების მართვისა და საფინანსო საბიუჯეტო კომისიის სხდომაზე დამსწრე წევრებმა უმრავლესობით გადაწყვიტეს:**

“ქალაქ თბილისის მუნიციპალიტეტის ბიუჯეტით გამოყოფილი ასიგნებების საბიუჯეტო კლასიფიკაციის მუხლებსა და პროგრამულ კოდებს შორის გადანაწილების წესის დამტკიცების შესახებ, ქალაქ თბილისის მუნიციპალიტეტის საკრებულოს 2014 წლის 30 დეკემბრის 30 დეკემბრის #20-85 დადგენილების დანართი 1-ის me-2 მუხლის მე-7 პუნქტის შესაბამისად **მიეცეს თანხმობა საფინანსო საქალაქო სამსახურის წერილის დანართის შესაბამისად პროგრამა/ქვეპროგრამების ასიგნებების გადანაწილების ცვლილებას.**

სხდომა გამოცხადდა დასრულებულად.

**ქონების მართვის და საფინანსო საბიუჯეტო**

**კომისიის თავმჯდომარე**



**ირაკლი ხელაძე**